


KANTIK AR SKOL GRISTEN

DISKAN :

*Kanomp, kanomp da virviken
Enor ha gloar d'ar skol gristen,
D'ar skol a ra d'ar vugale
Anaout ha karet o Doue.*



1.

Pegen eürus ar parrezioù
O deus, dre forz aluzennou,
Savet, hervez o liberte,
Skolioù kristen d'o bugale.

2.

Er skol gristen ne vezint ket
Skoliet evel ar baianed,
Hep hano morse, 'hed an deiz,
Nag eus Doue nag eus ar Feiz.

3.

Er skol-se mistri, mestrezed,
Bep sul, bep gouel, a ya hepred,
Gant kerent ha bugaligoù,
D'an Iliz 'vit an offisou.

4.

Kement skol gristen 'zo digor
A lak Kroz Jezuz en enor ;
Araok ha goude labourat,
Eno 'vez graet eur bedenn vat.

5.

Ar skol gristen d'ar vugale
A zesk da genta hent an Nenv,
Rak ar genta deskadurez
Eo hent an Nenv, ar zantelez.

6.

Doue hon Tad, gwir Vestr ar bed,
Skuilhit ho pennoù, ni ho ped,
War ar skol gristen, ma c'hello
Derc'hel ar Feiz start en hor bro.

7.

Grit ma vo sentus pep hini
Ouz lezenn stris an Eskopti,
Hag a lavar d'an holl genti
Ho mab, ho merc'h d'ar skol gristen!

8.

Grit d'eomp kompren, er barrez
Pegen diaes eo gwrizienna, [man;
E kalon dinamm ar bugel,
Ar Feiz, ar vertuzioù santel.

9.

Grit d'ar gerent kompren ervat
Eo da genta d'ar vamm, d'an tad,
D'ar vamm dreist-holl, war he bar-
Deski d'ar bugel e bedenn. [lenn,

10.

Sant Millie, patron Plonevez,
Diwallit skolioù ho parrez,
Lakit enno hor bugale
Da greski e doujans Doue.